

رغم التعب

رغم التعب والتناقض منزلك عالي
لو كنت في خطوتك تكثر تعاريبك
عنيد لكن عنادك حيل يحلالي
ولو كان للعند تاج اعلنت تتويجك
لكن ترفق وشوف وجيه عذالي
تفرح، تأيد صدودك لي وتحجيجك
يكفي تشوف بعيونك ثوبي البالي
اللي تمزق تحت قسوة كرابيجك
حزين رددت للاحزان موالى
وانت اتغني فرح واسمع اهازيك
لازلت احبك ولكن وعدى الغالي
لا بد،،، اوقف دعاباتك وتهريجك
وان كنت مهر ولا روضك خيالي
جيت وعلى جثتي عسفك وتسريجك

متعب التركي

بسافر

يقول المحبه ويش لو غابوا الاحباب؟
اقول الجسد من غير نبض وشعور وروح
يقول النهار يغيب! وش موقفك لا غاب؟
اقول ان رضيت اسكت يصير السكوت البوح
يقول السترسمعه وذكر وفعل وثياب!
اقول المحب من الوله والسهر مفضوح
يقول انت قايل لي بسافر بدون عتاب؟!
اقول ايه! قبل اضيع في وجهك المملوح!
قبل تبدي الاعجاب وابادك الاعجاب
قبل تاخذ احساسى وقلبي عبث وتروح
قبل يفتح لك بين عوج الحنايا باب
ويبقى على طاريك طول العمر مفتوح
قبل لاتوهق فيك بالصادق الكذاب
قبل لاتحطم منك بالمخطي المسموح
قبل لاتعلقني وترحل بدون اسباب
قبل لاتعلمني اعد السنين جروح!
قبل يتبعك وانت تمادى جفا وغياب
قصيدي ودمع عيوني وصوتي المبحوح!
ياليت الزمن يرجع واحسب لجفاك حساب
وعد ماتعلق فيك وانساك قبل تروح

محمد جارا لله السهلي